



國語第十九

吳語

太伯之後也周太王少子季歷賢將立為嗣太伯太王之長子也乃讓季歷而奔荆蠻文身斷髮示不可用是為句吳宋忠曰句吳太伯所居之地

吳王夫差起師伐越越王句踐起師逆之江

句居侯切凡後

同。夫差泰伯之後闔廬之子姬姓也句踐祝融之後允常之子芋姓也鄭語曰芋姓夔越世本亦云越芋姓也魯定十四年吳伐越越敗之於檣李闔廬傷而死後三年夫差伐越報檣李也越逆之江至於五湖吳人大敗之於夫椒遂入越越子以甲楯五千保於會稽在魯哀元年。

檣音醉天音扶椒子消切楯音允切會古外切稽古兮切凡後會稽同

大夫種乃獻謀

種章勇切下大

越大夫也曰夫吳之與越唯天所授王其無庸戰

庸用庸

也夫申胥華登簡服吳國之士於甲兵而未嘗有所

挫也申胥楚大夫伍奢之子子胥也名負魯昭二十一年奢誅於楚負奔吳吳子與之申地故曰申胥

華登宋司馬華費遂之子也華氏作亂於夫一人善

射百夫決拾決鉤弦也拾捍也言申胥華登善用兵

拾而放之箸中勝未可成成猶必也夫謀必素見成事

焉而後履之素猶豫也不可以授命授命猶王不如

設戎約辭行成以喜其民戎兵也約卑也成平也言

以求平於吳吳民必喜以廣侈吳王之心侈大吾以下之於天

天若棄吳必許吾成而不吾足也言越不將必寬然

有伯諸侯之心焉伯音霸既罷弊其民而天奪之

食安受其燼罷通作疲燼從刃切乃無有命矣

吳無復有天命復扶又切越王許諾乃命諸稽郢行成於吳稽諸

郢越大夫曰寡君句踐使下臣郢不敢顯然布幣行禮布

也幣玉帛也顯猶公露也敢私告於下執事曰昔者越國見禍得

罪於天王見禍於天得罪謂傷闔天王親趨王趾以

心孤句踐趾足也而又宥赦之宥寬君王之於越也

繫起死人而肉白骨也繫一兮切繫是也使孤不

敢忘天灾其敢忘君王之大賜乎今句踐申禍無良

申重也良善也。重直用切下同。草鄙之人敢忘天王之大德而思

邊垂之小怨遠邑稱鄙言吳侵越以重得罪於下執

事重得罪謂報見侵也句踐用帥二三之老家臣稱老親委重

罪頓顛於邊重直隴切也邊邊境也今君王不察盛怒屬

兵將殘伐越國察理也屬會也殘伐謂墮會稽也越國固貢獻

之邑也君王不以鞭箠使之而辱軍士使寇令焉蓋切又之蓋切

若禦寇之號令。句踐請盟一不嫡女執箕箒以眩

姓於王宮不古拜切一作介眩音該。一不一人眩

姓百一不嫡男奉槃匝以隨諸御槃音盤也晉語曰

奉匝沃盥御近臣宦。春秋貢獻不解於王府大王豈

厚裁之解佳賣切。豈能厚意裁制之亦征諸侯之禮也征稅也此

夫諺曰狐埋之而狐搯之是以無成功搯苦

內傳作胡忽切。今天王既封殖越國以明聞於天

下封殖以草木諭也壅本日封殖立也明顯而又刈

亡之是天王之無成勞也刈魚廢切。芟草曰刈雖

四方之諸侯則何實以事吳實實敢使下臣盡辭唯

天王秉利度義焉度待洛切。秉執也義宜也

吳王夫差乃告諸大夫曰孤將有大志於齊齊欲伐也吾

國語卷十九 一 郭奇

將許越成而無拂吾慮

也拂絕

若越既改吾又何求若

其不改反行吾振旅焉

伐齊反振旅而討之

申胥諫曰不可許

也夫越非實忠心好吳也又非懼畏吾甲兵之疆也

大夫種勇而善謀將還玩吳國於股掌之上以得其

志

好呼報切下同懼之涉切還音旋。還轉也玩弄也脛本日股

夫固知君王之蓋

威以好勝也

蓋猶尚也

故婉約其辭以從逸王志

婉順也約卑也

從隨也

使淫樂於諸夏之國以自傷也使吾甲兵鈍弊

民人離落而日以憔悴

樂盧各切。離畔也。落頰也憔悴瘦病也

然後安

受吾燼夫越王好信以愛民四方歸之年穀時孰日

長炎炎

進貌

及吾猶可以戰也為虺弗摧為蛇將若

何

虺許鬼切。虺小蛇也傳曰封豕長蛇

吳王曰大夫奚隆於越

奚何也隆

也越曾足以為大虞乎

虞度也。度待洛切

若無越則吾何以

春秋曜吾軍士乃許之成將盟越王又使諸稽郢辭

曰以盟為有益乎前盟口血未乾

未乾喻近也

足以結信

矣以盟為無益乎君王舍甲兵之威以臨使之而胡

重於鬼神而自輕也吳王乃許之荒成不盟

重直隴切。荒

空也

吳王夫差既許越成乃大戒師徒將以伐齊申胥進

諫曰昔天以越賜吳而王弗受夫天命有反反謂盛者更衰

禍者今越王句踐恐懼而改其謀舍其愆令舍音捨

也愆輕其征賦施民所善去民所惡身自約也裕其

衆庶法羗呂切惡鳥路切。裕饒也。其民殷衆殷盛也。以多甲兵譬越

之在吳也猶人之有腹心之疾也夫越王之不忘敗

吳於其心也戚然服士以司吾閒同音伺古字通閒居諫切下同。戚

猶惕也閒隙也。今王非越是圖而齊魯以為憂夫齊

魯譬諸疾疥癬也疥古拜切癬息淺切。疥癬在外為害微也。豈能涉江

淮而與我爭此地哉將必越實有吳土壤地接而王越修德也。

益亦鑑於人無鑑於水鑑鏡也。以人為鏡見成敗以水為鏡見形而已。書曰人無

于水鑑當于民鑑。昔楚靈王不君不得為君之道。其臣箴諫以不入

也入受乃築臺於章華之上章華地名。闕為石郭陂漢以象

帝舜闕其月切。闕穿也。陂壅也。舜葬九嶷其山體水旋其丘下故壅漢水使旋石郭以象之。罷

弊楚國以閒陳蔡罷通作疲下同。閒候也。候其隙而取之魯昭八年楚滅陳十一年

滅蔡不修方城之內方城楚北山。踰諸夏而圖東國諸夏陳蔡也東

國徐夷三歲於沮汾以服吳越沮七餘切內傳作睢沮汾水名楚東鄙

沮汾之間乾谿也魯昭六年楚令尹子蕩帥師伐吳師於豫章次於乾谿。乾古寒切師所律切。其

民不忍飢勞之殃三軍叛王於乾谿殃害也。民罷國亂中外叛潰事。

在魯昭  
十三年  
王親獨行屏管傍惶於山林之中三日乃見

其消人疇屏步丁切消古玄切。王呼之曰余不食

三日矣疇趨而進王枕其股以寢於地王寐疇枕王

以撲而去之呼火故切撲音撲。王覺而無見也乃匍

匍將入棘闈棘闈不納楚邑闈門也。乃入芋尹申亥

氏焉申亥楚大夫芋尹無字之子也傳

而土埋之其室傳曰王縊申亥以此志也豈遽忘於

諸侯之耳乎志記也言此事皆見記。今王既變鮌禹

之功鮌即鯀字。王夫差也變易也。而高高下下以

罷民於姑蘇下上遐嫁切下遐貫切。高高起臺榭

天奪吾食都鄙荐饑荐才見切。天奪吾食稻蟹。今

王將狼天而伐齊狠胡懇切。夫吳民離矣有離。體有

所傾譬如羣獸然一个負矢將百羣皆奔个居賀切

言衆獸羣聚其中一个被矢則百羣皆走以言吳王

其無方收也收方道也。越人必來襲我王雖悔之其猶

有及乎王弗聽十二年遂伐齊夫差十一年。齊人與

戰於艾陵艾陵齊地。齊師敗績吳人有功傳曰獲齊國書

革車八伯乘甲

首三千。  
乘實證切

吳王夫差既勝齊人於艾陵乃使行人奚斯釋言於

齊奚斯吳大夫釋解也以曰寡人帥不腆吳國之役

遵汶之上汶齊水名不敢左右唯好之故好呼報切

右暴掠齊民唯有恩好今大夫國子與其眾庶以犯

獵吳國之師徒國子齊卿國書也天若不知有臯則

何以使下國勝下國吳自謂也言天若不知

吳王還自伐齊乃訊申胥訊告曰昔吾先王體德聖

明達於上帝先王闔廬也譬如農夫作耦以刈殺四

方之蓬蒿刈魚廢切。二耦為耦言子胥佐先以立

名於荆此則大夫之力也立名於荆謂敗楚於今大

夫老而又不自安恬逸恬猶靜也逸樂而處以念惡

處敞呂切。處居也出則罪吾眾罪吾眾謂吳民離

撓亂百度撓擾也以妖孽吳國妄為妖言越今天降

衷於吳衷善也齊師受服孤豈敢自多先王之鍾鼓寔

式靈之式用也敢告於大夫申胥釋劍而對釋解曰

昔吾先王世有輔弼之臣言闔廬以能遂疑計惡遂

也計慮也以不陷於大難今王播棄黎老難乃旦切。播

徵而孩童焉比謀此毗志切。孩曰余令而不違不違也。比合也。

言莫夫不違乃違也乃違也。夫不違亡之階也夫天之

所棄必驟近其小喜小喜勝敵之喜。謂有所克定也。而遠其大憂大憂

在後故王若不得志於齊而以覺寤王心吳國猶世

世繼也吾先君之得之也必有以取之得謂克楚也。傳

味勤郵其民其亡之也亦有以棄之亡之謂不正其

取之謂此也為楚所用能援持盈以沒盈滿也。而驟救傾以時以

不失也今王無以取之言無政德而天祿亟至亟數也。數

是吳命之短也負不忍稱疾辟易以見王之親為

越之禽也負請先死辟匹亦切。易以鼓將死曰而縣

吾自於東門以見越之入吳國之亡也遂自殺王愠

曰孤不使大夫得有見也乃使取申胥之尸盛以鴟

夷而投之於江縣音玄。盛音成。鴟夷革囊。

吳王夫差既殺申胥不稔於歲稔孰也。謂後年不至

以哀十一年殺子胥十二年會魯於橐臯。橐章夜切。一音託。乃起師北征闕為深

溝於商魯之間闕其月切。商宋也。北屬之沂沂水名出

至下邳西屬之濟濟子禮切。濟宋水也。以會晉公午於黃池

黃池地名晉公午晉定公於是越王句踐乃命范蠡

舌庸

舌如字內傳作后字非。二子越大夫。

率師沿海沂淮以絕吳路

公順也。逆流而上曰沂。循海而敗王子友於姑熊夷。

逆入於淮以絕吳王還歸之路。姑熊夷吳郊也。王子友夫差太子也。夫差未反。越子伐吳。吳距之。獲太子友。

率中軍沂江江吳江也。或有淮字誤耳。以襲吳人其郭郭郭也。焚其

姑蘇徙其大舟大舟王舟徙取也。吳晉爭長未成長展兩切下同。長

先也。成定也。邊遽乃至以越亂告遽其據切。遽傳也。傳直戀切。吳王

懼乃合大夫而謀曰：越為不道，背其齊盟齊音佩。齊同也。

今吾道路悠遠悠長也。無會而歸，與會而先，晉孰利究

薦切。下先晉先之先我並同。先晉令晉先軟。軟所洽切。又所甲切。王孫雄曰：夫危

事不齒王孫雄吳大夫也。齒年也。不以年次對。雄敢先對二者莫利無

會而歸，越聞章矣。民懼而奔走，遠無正就正適也。適丁歷切。齊

宋徐夷曰：吳既敗矣宋今睢陽。徐今大徐夷。淮夷也。睢息夷切。將夾溝

而廢我廢昌爾切。旁繫曰廢。我無生命矣。會而先，晉晉既執

諸侯之柄，以臨我，將成其志，以見天子以侯伯之禮見天子也。

吾須之不能不能待見天子。去之不忍，若越聞俞章俞羊茹切。或為

愈。俞益也。吾民恐畔，必會而先之先使吳先軟也。王乃步就王

孫雄曰：先之圖之，將若何？王孫雄曰：王其無疑，吾道

路悠遠，必無有二命焉，可以濟事欲決一計求先晉也。濟成也。王

孫雄進顧揖諸大夫曰危事不可以為安死事不可

以為生則無為貴知矣言人不能以危易安以死易生則何貴於知矣民之

惡死而欲貴富以長沒也與我同長老也雖然彼近

其國有遷我絕慮無遷遷轉退也絕慮道遠也彼豈能與我行

此危事也哉言晉不能以死與我爭事君勇謀於此用之勇而有謀

正謂今時今夕必挑戰以廣民心挑徒了切挑晉求戰以廣大民心示不懼也

請王厲士以奮其朋勢朋羣也勉厲士卒以奮激其羣黨之勢使有鬪心也勸

之以高位重畜重直隴切重畜寶財備刑戮以辱其不厲者

備具也令各輕其死彼將不戰而先我推先我也我既執諸

侯之柄為盟主故執柄以歲之不獲也無有誅焉獲胡郭切獲收也

誅責也不責諸侯之貢賦而先罷之罷遣諸侯令先歸也諸侯必說說古悅字說

喜也既而皆入其地入其國境王安挺志挺寬也一日惕一日

留惕疾也留徐也以安步王志步行也必設以此民也封於江

淮之間乃能至於吳設許其勸勉者以此民封之於江淮間以恐之必速至也吳

王許諾

吳王昏乃戒令秣馬食士令力呈切下同食祥吏切通作飮秣粟也夜

中乃令服兵擐甲擐胡慣切也擐貫也甲鎧也夜半也服執鎧苦亥切係

馬舌出火竈係音計有聲也出火於竈外以自燭陳士卒百

人以為徹行百行

陳直觀切下同行戶即切下同。徹通也。以百人通為一行。百行為

萬人謂行頭皆官帥攤鐸拱稽

帥所類切攤即攤字。二君皆云官帥大

夫也。昭謂下言十行一變大夫。此一行為士。周禮

百人為卒。卒長皆上士。攤抱也。供執也。抱鐸者亦恐

有聲也。唐尚書云稽榮戟也。鄭後司農以為稽

計兵名籍也。周禮聽師田以簡稽。稽口禮切。建肥

胡奉文犀之渠

肥胡幡也。文犀之渠謂楯也。文。渠謂楯也。文

一變大夫

十行千人。變下大夫也。子產謂。建旌提鼓

將軍

十旌萬人也。將軍執晉鼓。建謂。為萬人以為方陳。人正曰方也。皆

將軍執晉鼓。建謂

為萬人以為方陳。人正曰方也。皆

白常白旂素甲白羽之矰望之如荼

矰側登切。荼同

旂素甲白甲也。矰矢名

王親秉鉞載白旗以中陳而

立

熊虎為旗。此王所帥中。左軍亦如之。亦如中軍載

乘抱皆赤常赤旗丹甲朱羽之矰望之如火

旗音余

為旗尚赤左陽也。丹彤也。朱

右軍亦如之。皆玄常玄

旗黑甲烏羽之矰望之如墨

黑漆甲也。尚。為帶甲三

萬帶甲矰鎧

以勢攻雞鳴乃定既陳去晉軍一里

昧明王乃秉枹親就鳴鍾鼓丁寧錚于振鐸

錚述倫

寧謂鉦也。唐尚書云錚于錚非也。錚于與錚

勇怯盡

應三軍皆譁釳以振旅。釳音口。譁釳謹呼也。謹呼官切又音喧。其聲

動天地晉師大駭不出周軍飭壘。飭力切。周乃繞也。飭治也。

令董褐請事。董褐晉大夫。司馬演請問也。曰兩君偃兵接好日中

為期。好呼報切。偃匿也。接合也。今大國越錄。錄第也。而造於弊邑

之軍壘敢請亂故。造七到切。敢問先期亂次之故。吳王親對之曰

天子有命周室卑約貢獻莫入上帝鬼神而不可以

告。告古毒切下同。言無以告祭於天神人鬼。無姬姓之振也。振救也。徒遽

來告孤日夜相繼。遽其據切。徒步也。遽傳車也。匍匐就君

君今非王室不安平是憂億負晉眾庶不式諸戎翟

楚秦。億安也。負恃也。安恃其眾而不用征伐戎翟楚秦卑周者。將不長弟以力征

一二兄弟之國。展兩切。弟言幼也。言晉不帥長幼之節而征伐同姓兄弟之國謂魯

衛之屬或云謂晉滅虞虢韓魏然虞虢韓魏皆在春秋之始非所以責定公也。孤欲守吾先

君之班爵。爵次當為盟主。進則不敢。不敢過先君也。退則不可。亦不可

及今會日薄矣。薄迫也。恐事之不集以為諸侯笑。集成也。

孤之事君在今日不得事君亦在今日。言欲戰以決之不勝則服

事君若勝為使者之無遠也孤用親聽命於藩離之

外。為於為切。藩離壁落也。董褐將還王稱左畸曰攝少司馬茲

與王士五人坐於王前。畸居宜切。賈唐二君云稱呼也。左畸軍左部攝執也。少

司馬茲與王士五人皆罪人死士乃皆進自剄於客前以酬客剄於

○賈唐二君云剄到也酬報也將報客使死士自剄以示其威行軍士用命也昭謂魯定十四年吳伐越

越王使罪人自剄以誤吳故夫差效之董褐既致命致命於晉君乃告諸趙

鞅趙鞅晉正卿曰臣觀吳王之色類有大憂類似也

食者無墨今吳王有墨墨黑氣也小則嬖妾嫡子死不則國有大難

難乃旦切○大難反畔大則越入吳將毒不可與戰毒猶暴也言若猛獸

被毒悖主其許之先無以待危主趙也然而不可徒許

也徒空也不空許宜有辭義趙鞅許諾晉乃令董褐復命曰寡君

未敢觀兵身見觀示也使褐復命曰襄君之言曩向也周

室既卑諸侯失禮於天子謂不朝貢也○朝馳遙切下同請貞於陽

卜收文武之諸侯貞正也龜曰卜以火發兆故曰陽言吳欲正陽卜收復文王武王之

諸侯以奉天子孤以下密邇於天子無所逃罪孤以下晉辭也密比也邇

近也訊讓日至訊告也曰昔吳伯父不失春秋必率諸侯

以顧在余一人此晉述天子告讓之言也同姓元侯曰伯父吳伯父吳先君也不失四時

必率諸侯脩朝聘之禮以顧在余一人今伯父有蠻荆之虞禮世不續

今謂夫差也虞度也言夫差有蠻荆之備廢朝聘之禮不得繼世續前人之職○度待洛切用命

孤禮佐周公以見我一二兄弟之國以休君憂休息也

公周之太宰諸侯之師也君有蠻荆之虞故命晉以禮佐助周公與兄弟之國相見令朝聘天子息君憂

周之憂也。今君掩王東海以淫名聞於天子。掩蓋也。淫猶僭也。名號也。

君有短垣而自踰之。垣者喻禮防。雖短不可僭也。王室雖卑不可僭也。況蠻

荆則何有於周室。言吳姬姓而自僭號。况於蠻荆有何義於周室而不為乎。夫命

圭有命。固曰吳伯不曰吳王。命圭受賜。圭之策命。周禮伯執躬圭。吳本稱伯。

故曰諸侯是以敢辭。辭不事吳也。夫諸侯無二君而周無

二王。君若無卑天子以干其不祥。干犯也。而曰吳公孤

敢不順從。君命長弟許諾。長先也。弟後也。吳王許諾乃退就

幕而會。幕帳也。吳公先軟晉侯。亞之。吳王既會。越聞愈

章。恐齊宋之為已害也。乃命王孫雄先與勇獲帥徒

師以為過賓於宋。以焚其北郭焉。而過之。過古禾切。郭音孚。

勇獲吳大夫也。徒師步卒也。郭郭也。託為過賓而焚其郭。去其守備。使不敢出。

吳王夫差既退於黃池。乃使王孫苟告勞於周。王孫苟吳

大夫勞功也。曰昔者楚人為不道。不承共王事。以遠我一

二兄弟之國。共音供。遠于願切。遠疏也。吾先君闔廬不貫不忍

貫。貫音世。貫赦也。被甲帶劍。挺鉞搢鐸。鉞鋪糜切。搢即刃切。挺拔也。搢振也。

以與楚昭王毒。遂於中原。柏舉。柏舉之戰在魯定四年。毒暴也。中原原中

也。天舍其衷。衷善也。言天舍善於吳。楚師敗績。王去其國。昭王奔隨

遂至於郢。郢楚都也。王總其百執事。賈侍中云王往也。百執事百官也。昭謂王

闔廬也賈君以為告天子不宜稱王故云往也下言夫概王不避天子故知上王為闔廬也。概即槩字

以奉其社稷之祭言修楚祭祀也其父子昆弟不相能夫槩

王作亂是以復歸於吳昆兄也夫概王闔廬之弟也

能定楚而歸今齊侯任不鑿於楚任齊景公孫悼公之子

敗為鑿戒又不承共王命以遠我一二兄弟之國遠於願

云謂齊納欒盈以伐晉昭謂兄弟魯也哀夫差不貫

不忍被甲帶劍挺鉞搢鐸遵汶伐博博齊別都登筮相望

於艾陵艾都騰切。唐尚書云登夫須也昭謂登筮

傳曰五月克博至于贏是也天舍其衷齊師還言敗而還夫差豈敢自

多文武實舍其衷文武二后也歸不稔於歲言伐齊之明年不至於穀

輿而復出師也復扶又切余泂江沂淮闕溝深水出於商魯之

閒以徹於兄弟之國闕其月切深尺鳩切。兄弟諸姬也夫差克有成

事敢使苟告於下執事克能也成周王答曰苟伯父

命女來明紹享余一人若余嘉之女音汝下同。周王景王子敬王丐

也紹繼也享獻也繼先王之禮獻我一人我心誠嘉之也昔周室逢天之降禍遭

民之不祥說云謂民流厲王於彘也昭謂子朝篡余

心豈忘憂卹不唯下土之不康靖不但憂四方今伯

父曰戮力同德戮并伯父若能然余一人兼受而介

福而女也伯父多歷年以没元身元善也伯父秉德已

侈大哉侈猶廣也

吳王夫差還自黃池息民不戒戒傲也越大夫種乃倡

謀發始為倡曰吾謂吳王將遂涉吾地今罷師而不戒以

忘我我不可以怠也日臣嘗卜於天日昔日也卜於天天若棄吳必

許吾成既罷弊其民天奪之食安受其燼之言者今吳民既罷罷勞也而大荒

荐饑市無赤米荐才旬切赤米米之姦者今尚無有而困鹿空虛困

隕切鹿通作麓。貞曰困方曰鹿。其民必移就蒲羸於東海之濱羸落

戈切亦作螺。蒲深蒲也。羸蚌蛤之屬濱涯也。蚌步項切亦作蚌。天占既兆兆見也見賢

徧切人事又見謂怨也我蔑卜筮矣王若今起師以會奪

之利無使失俊俊七全切俊改也夫吳之邊鄙遠者罷而未

至罷歸也吳王將恥不戰必不須至之會也不待遠兵而以

中國之師與我戰中國國都也若事幸而從我言從我而戰我

遂踐其地其至者亦將不能之會也言吳邊鄙雖來將不能會

戰戰吾用禦兒臨之禦兒越北鄙在今嘉興言吳邊兵若至吾以禦兒之民臨敵之吳

王若愠而又戰愠怒也幸遂可出使出奔若不戰而結成

成平也王安厚取名而去之越王曰善哉乃大戒師將

伐吳楚申包胥使於越使所吏切申包胥也越王句

踐問焉曰吳國為不道求殘我社稷宗廟以為平原

弗使血食吾欲與之傲天之衷傲古堯切後同。傲要也。要於逞切。

唯是車馬兵甲卒伍既具無以行之行猶用也。請問戰奚

以而可以用也。包胥辭曰不知謙也。王固問焉乃對曰夫

吳良國也良善也。能博取於諸侯取貢也。敢問君王之所

以與之戰者問政惠所行也。王曰在孤之側者觴酒豆肉簞

食未嘗敢不分也食祥吏切。觴爵各豆肉器簞飯器。飲食不致味致極

味之不極五味之調。聽樂不盡聲不盡五聲之變。求以報吳願以此戰

包胥曰善則善矣未可以戰也王曰越國之中疾者

吾問之死者吾葬之老其老敬長老也。展兩切下同。慈其幼

長其孤問其病求以報吳願以此戰包胥曰善則善

矣未可以戰也此小惠未徧故未可用也。王曰越國之中吾寬民

以子之忠惠以善之吾修令寬刑施民所欲去民所

惡稱其善掩其惡求以報吳願以此戰包胥曰善則

善矣未可以戰也王曰越國之中富者吾安之施式豉切。

去羌呂切所惡之惡鳥路切。不專取也。貧者吾予之救其不足裁其有

餘子音與。裁謂有餘則稅之。使貧富皆利之求以報吳願以此

戰包胥曰善則善矣未可以戰也王曰越國南則楚

西則晉北則齊

西南北皆以中國言之

春秋皮幣玉帛子女以

賓服焉未嘗敢絕求以報吳願以此戰包胥曰善哉

蔑以加焉然猶未可以戰也夫戰知為始仁次之勇

次之不知則不知民之極

知音智下知民如字。極中也

無以銓度

天下之眾寡

度待洛切。銓稱也

不仁則不能與三軍共饑勞

之缺不勇則不能斷疑以發大計越王曰諾越王句

踐乃召五大夫

圖丁亂切。五大夫舌庸苦成大夫種范蠡臯如之屬

曰吳為

不道求殘吾社稷宗廟以為平原不使血食吾欲與

之徼天之衷唯是車馬兵甲卒伍既具無以行之吾

問於王孫包胥既命孤矣

命告也。古毒切下同

敢訪諸大夫

問戰奚以而可句踐願諸大夫言之皆以情告無阿

孤孤將以舉大事

阿曲從也

大夫舌庸乃進對曰審賞則

可以戰乎王曰聖

審賞賞不失勞聖通也

大夫苦成進對曰審

罰則可以戰乎王曰猛

能罰則嚴猛也

大夫種進對曰審物

則可以戰乎王曰辨

說云別物善惡昭謂物旌旗物色徽幟之屬辨別也。別必列

大夫蠡進對曰審備則可以戰乎王曰巧

備守禦之備巧

審密不可攻入也

大夫臯如進對曰審聲則可以戰乎王曰

可矣

聲謂鍾鼓進退之聲聲不審則衆惑也

王乃命有司大令於國曰

苟任戎者皆造於國門之外國門城王乃令於國曰

國人欲告者來告謂有善計策及職事所當陳白者

不任兵事則下所謂眩瞽之疾筋力不足以勝告孤

不審將為戮不利詐非實也過及五日必審之使孰

之過五日道將不行道術也過五日則晚矣王乃入

命夫人王背屏而立夫人向屏屏寢門內屏也王

曰自今日以後內政無出外政無入內政婦職外政國事內有

辱是子也外有辱是我也吾見子於此止矣王遂出

夫人送王不出屏婦人禮送乃闔左闔填之以土閉

開陰示去筭側席而坐不埽筭豎兮切埽先到切

猶特也禮憂王背檐而立大夫向檐檐與簷同說

也唐尚書云屋名也昭謂檐謂之王命大夫曰食土

不均地之不修內有辱於國是子也均平也軍士不

死外有辱是我也自今日以後內政無出外政無入

內國政外軍政也吾見子於此止矣王遂出大夫送王不出

檐示當守乃闔左闔填之以土側席而坐不埽示憂

也王乃之壇列壇在野所以講列鼓而行之至於軍

之地也斬有罪者以徇曰莫如此以環填通相問也

〔瑱〕他甸切。環金玉之環瑱塞耳問遺也。明日徙舍。通徒。賂以亂軍。塞悉則切。遺唯季切。

斬有罪者以徇曰莫如此不從其伍之令明日徙舍

斬有罪者以徇曰莫如此不用王命明日徙舍至於

禦兒斬有罪者以徇曰莫如此淫逸不可禁也王乃

命有司大徇於軍曰有父母者老而無昆弟者以告

六十曰耆七十曰老王親命之曰我有大事子有父母者老而

子為我死子之父母將轉於溝壑也轉入子為我禮已

重矣〔重〕直隴切。重矣。去父母而來也。子歸沒而父母之世也沒終後

若有事吾與子圖之明日徇於軍曰有兄弟四五人

皆在此者以告王親命之曰我有大事子有昆弟

五人皆在此事若不捷則是盡也捷勝也擇子之所欲

歸者一人明日徇於軍曰有眩瞶之疾者告王親命

之曰我有大事子有眩瞶之疾其歸若已若汝也後

若有事吾與子圖之明日徇於軍曰筋力不足以勝

甲兵志行不足以聽命者歸莫告明日遷軍接餼勝書

蒸切〔行〕下孟切下斬有罪者以徇曰莫如此志行不

果果勇也於是人有致死之心王乃命有司大徇於軍

曰謂二三子歸而不歸處而不處〔處〕敞呂切進而不

進退而不退左而不左右而不右身斬妻子鬻鬻於

鬻也於是吳王起師軍於江北江松江去越王軍於

江南越王乃中分其師以為左右軍傳曰越子伐吳

夾水而陳在魯哀十吳子禦之笠澤以其私卒君子六千人為中軍

七年陳直觀切私卒君子王所親近有志行者明日將舟戰於江及

猶吳所謂賢良齊所謂士也令力呈切下同亦

昏乃令左軍銜枚泝江五里以須須須後命也夜中乃令左軍右

令右軍銜枚踰江五里以須踰度夜中乃令左軍右

軍涉江鳴鼓中水以須夜中夜半也吳師聞之大駭

曰越人分為二師將以夾攻我師乃不待旦亦中分

其師將以禦越不知越復有中軍故中分越王乃令

其中軍銜枚潛涉潛嘿也涉度也不鼓不譟以襲攻

之吳師大北譟先北切越之左軍右軍乃

遂涉而從之又大敗之於没没地又郊敗之郊郭也三

戰三北三戰笠澤也乃至於吳越師遂入吳國圍王

官王宮吳王懼使人行成曰昔不穀先委制於越君

不言越委制於姑蘇君告孤請成男女服從孤無柰越之

先君何言越先君與吳有畏天之不祥不敢絕祀許

君成以至於今今孤不道得罪於君王君王以親辱

於孤之弊邑孤敢請成男女服為臣御越王曰昔天以越賜吳而吳不受今天以吳賜越孤敢不聽天之命而聽君之令乎乃不許成因使人告於吳王曰天以吳賜越孤不敢不受以民生之不長也長又王其無死民生於地上寓也寓寄也其與幾何言幾何時寡人其達王於甬句東向音鉤內傳具九切達致也夫婦三百唯王所安以没王年夫婦各三百人以奉夫差辭曰天既降禍於吳國不在前後當孤之身實失宗廟社稷凡吳土地人民越既有之矣孤何以視於天下

夫差將死使人說於子胥也說告也曰使死者無知則已矣若其有知吾何面目以見負也遂自殺越滅吳魯在

哀二十二年冬十一月上征上國上國中宋鄭魯衛陳蔡執玉

之君皆入朝朝馳逞切也夫唯能下其羣臣以集其

謀故也下選嫁切也集成也言下其羣臣以明吳不用子胥之禍

國語第十九

國語第二十

越語上

史記世家越夏禹之後少康庶子也封於會稽以奉禹之祀斷髮披草萊而邑焉周禮職

方氏掌越國在海中郭璞云越即西甌今建安都是也亦曰蛇種

越王句踐棲於會稽之上

山處曰棲會稽山名在今山陰南七里吳敗越於夫

椒遂入越越子保于會稽

乃號令於三軍

號呼

曰凡

我父兄昆弟及國子姓

號令三軍而言父兄昆弟者方在危阨親而呼之也國子

姓年在衆子同姓之列者

有能助寡人謀而退吳者吾與之共知

越國之政

知政謂為卿

大夫種進對曰臣聞之賈人

賈音古

賈人買賤賣貴者

夏則資皮

資取也

冬則資絺

絺救之切。絺葛也精曰絺麤

曰給。給。早則資舟水則資車以待乏也夫雖無四

去逆切。方之憂然謀臣與爪牙之士不可不養而擇也譬如

衰筮時雨既至必求之今君王既棲於會稽之上然

後乃求謀臣無乃後乎。後晚也。句踐曰苟得聞子

大夫之言何後之有執其手而與之謀遂使之行成

於吳。傳曰使種因吳犬宰詬以。曰寡君句踐乏無所

使使其下臣種不敢徹聲聞於天王。使上所更切下

私於下執事曰寡君之師徒不足以辱君矣。屈辱君

親來。願以金玉子女賂君之辱請句踐女女於王。於

女字尼去切下。大夫女女於大夫士女女於士越國

之寶器畢從寡君帥越國之衆以從君之師徒唯君

左右之。從上慈用切下如字師所。若以越國之罪為

不可赦也將焚宗廟。為將不。係妻孥。係繫也死生同

虜。沈金玉於江。不欲吳。有帶甲五千人將以致死乃

必有偶。偶對。是以帶甲萬人以事君也。言赦越罪是

也。無乃即傷君王之所愛乎與其殺是人也寧其

得此國也其孰利乎。寧安也言戰而殺是萬人與夫

差將欲聽與之成子胥諫曰不可夫吳之與越也仇

讎敵戰之國也三江環之民無所移

環繞也三江松江錢塘浦陽江

也言此二國之民三江繞之遷徙非吳則越也

有吳則無越有越則無吳

言勢

不兩也將不可改於是矣

言滅之之計不可改易也

負聞之陸人居

陸水人居水夫上黨之國

黨所也上所之國謂中國也

我攻而勝

之吾不能居其地不能乘其車

言習俗之異也說云吳是時未知以車戰

申公巫臣使其子狐庸教之昭謂狐庸教吳魯成公時也至此哀元年歷五公矣非未知也吳地勢自習

可夫越國吾攻而勝之吾能居其地吾能乘其舟此

利也不可失也已君必滅之失此利也雖悔之亦無

及已越人飾美女八人納之大宰嚭

上言請大夫女於大夫故因

此而納美女於大宰嚭以求免也嚭吳正卿故楚大夫伯州黎之子也魯昭元年州黎為楚靈王所殺嚭

奔吳唐尚書云平王殺之非也

曰子苟赦越國之罪又有美於此者

將進之大宰嚭諫曰嚭聞古之伐國者服之而已今

已服矣又何求焉夫差與之成而去之

成平也

句踐說

於國人

說解也

曰寡人不知其力之不足也而又與大

國執讎

執猶結也

以暴露百姓之骨於中原此則寡人之

罪也寡人請更

暴步木切更古衡切。更改也

於是葬死者問傷者

養生者弔有憂賀有喜送往者迎來者去民之所惡

補民之不足然後卑事夫差宦士三百人於吳

惡烏路切

惡烏路切

○將三百人以入其事吳若宦豎然其身親為夫差前馬前馬前驅在馬前也句

踐之地南至于句無今諸暨有句無亭是也北至於禦兒今嘉興語

是也兒鄉是也東至于鄞鄞于斤切。今鄞縣是也西至于姑蔑蔑迷結切。姑蔑今

太湖是也言取境內近者百里之中乃致其父

兄昆弟而誓之曰寡人聞古之賢君四方之民歸之

若水之歸下也今寡人不能將帥二三子夫婦以蕃

帥所律切。蕃息也命壯者無取老婦令老者無取壯妻女子

十七不嫁其父母有罪丈夫二十不取其父母有罪

取七諭切。令力呈切。下同。禮三十而娶二十而嫁今不待禮者務育民也將免者以告

告古毒切。下同。免乳也公令醫守之醫乳也生丈夫一壺酒一犬

生女子一壺酒一豚犬陽畜知擇人豚主內陰類也生三人公與之

母母乳母也。人生三者亦希耳生二人公與之餼餼食也當室者死

三年釋其政當室適子也。禮父為適子三年。適丁歷切支子死三月釋

其政支子庶子必哭泣葬埋之如其子令孤子寡婦疾疹

貧病者納宦其子疹章忍切。宦仕也。仕其子而教之稟以食之也其達士

潔其居潔其館舍美其服賜衣服也飽其食稟餼多也而摩厲之於

義四方之士來者必廟禮之禮之於廟。告先君也句踐載稻與

脂於舟以行稻糜脂膏也國之孺子之游者無不舖也無

不歡也必問其名

舖蒲故切歡昌劣切。為後將用之。

非其身之所種

則不食非其夫人之所織則不衣十年不收於國民

居有三年之食

衣於既切下同。古者三年耕必餘一年之食。

國之父兄請

曰昔者夫差恥吾君於諸侯之國今越國亦節矣

有節

也請報之句踐辭曰昔者之戰也非二三子之罪也

寡人之罪也如寡人者安與知恥請姑無庸戰

姑且也庸

也父兄又請曰越四封之內親吾君也猶父母也子

而思報父母之仇臣而思報君之讎其有敢不盡力

者乎請復戰句踐既許之乃致其衆而誓之曰寡人

聞古之賢君不患其衆之不足也而患其志行之少

恥也

復扶又切行下孟切後志行並同。少

今夫差

衣水犀之甲者億有三千

言多也犀形似豕而大今

水犀之皮有珠甲山犀則無億三千所

不患其志行

之少恥也而患其衆之不足也今寡人將助天滅之

言夫差天所不與故曰助天也

吾不欲匹夫之勇也

匹夫輕儷傲功要利者。儷仕

咸切微古克切要於遙切

欲其旅進旅退也

旅俱也

進則思賞退則

思刑如此則有常賞進不用命

離伍獨也

退則無恥

不

辱戮如此則有常刑果行國人皆勸父勉其子兄勉其

弟婦勉其夫

言得一國之歡心

曰孰是君也而可無死乎

孰誰

也誰有恩惠如是君者可不為之死乎

是故敗吳於囿

魯哀十七年

又

敗之於沒

沒地名在哀十九年

又郊敗之

在哀二十年十一月越圍吳

夫差

行成曰寡人之師徒不足以辱君矣請以金玉子女

賂君之辱句踐對曰昔天以越與吳而吳不受今天

以吳予越越可以無聽天之命而聽君之令乎吾請

達王甬句東

句音鉤內傳作具九切。甬甬江句句章也達王出之東境

吾與君

為二君乎

待之若二君然

夫差對曰寡人禮先壹飯矣

先悉薦切

言已年長於越王覺差壹飯之間欲以少長求免也。覺古孝切

君若不忘周室而

為弊邑宸宇

宸屋雷宇邊也。越君若以周室之故以屋宇之餘庇覆吳也。靈力救切

亦寡人之願也君若曰吾將殘女社稷滅女宗廟寡

人請死余何面目以視於天下乎越君其次也

女音汝

次合也遂滅吳

國語第二十

弟婦勉其夫

言得一國之歡心

曰孰是君也而可無死乎

孰誰

也誰有恩惠如是君者可不為之死乎

是故敗吳於囿

魯哀十七年

又

敗之於沒

沒地名在哀十九年

又郊敗之

在哀二十年十一月越圍吳

夫差

行成曰寡人之師徒不足以辱君矣請以金玉子女

賂君之辱句踐對曰昔天以越與吳而吳不受今天

以吳子越越可以無聽天之命而聽君之令乎吾請

達王甬句東

句音鉤內傳作具九切。甬甬江句句章也達王出之東境

吾與君

為二君乎

待之若二君然

夫差對曰寡人禮先壹飯矣

先悉薦切

言已年長於越王覺差壹飯之間欲以少長求免也。覺古孝切

君若不忘周室而

為弊邑宸宇

宸屋雷宇邊也言越君若以周室之故以屋宇之餘庇覆吳也。雷力救切

亦寡人之願也君若曰吾將殘女社稷滅女宗廟寡

人請死余何面目以視於天下乎越君其次也

女音汝

次舍也遂滅吳

國語第二十

國語卷二十

六惟見

國語第二十一

越語下

越王句踐即位三年而欲伐吳

句踐三年魯哀之元年

范蠡進

諫曰夫國家之事有持盈

持盈音禮也盈滿也

有定傾

安定也傾

危也有節事

節制也

王曰為三者柰何范蠡對曰持盈者

與天

與天法天也天道盈而不溢盛而不驕

定傾者與人

與人取人之心也人道好

謙傾危之中當卑辭尊禮玩好女樂尊之以名

節事者與地

與地法地

也時不至不可疆生事不究不可疆成之屬

王不問蠡不敢言天

道盈而不溢

陽盛則損月滿則虧

盛而不驕

盛元氣廣大時也不驕不自縱弛也

勞而不矜其功勞動而不已也矜大也不自大夫聖

人隨時以行是謂守時隨時時行則止則止天時不作弗為

人客作起也攻者為客起謂天時利害災變之應人事不起弗為之始人

謂怨畔逆亂之萌也先動為始今君王未盈而溢未盈國未富實而君意溢也未

盛而驕道化未盛而自驕泰也不勞而矜其功未有勤勞而自大其功也天

時不作而先為人客吳未有天災而欲伐之人事不起而創為

之始此逆於天而不和於人天應未至人事不起故逆於天而失人和也

王若行之將妨於國家靡王躬身妨害也靡損也王弗聽范

蠡進諫曰夫勇者逆德也德尚禮讓勇則攻奪兵者凶器也言害

也人爭者事之末也言賢者脩其政德而遠方附事之德不行然後用武故曰爭者事之末也

陰謀逆德好用凶器陰謀兵謀也勇為逆德也始於人者人之

所卒也始以伐人淫佚之事上帝之禁也淫佚放濫也先

行此者不利王曰無是貳言也吾已斷之矣貳二也二言陰

謀淫佚也果興師而伐吳戰於五湖五湖今太湖也不勝棲於會

稽王召范蠡而問焉曰吾不用子之言以至於此為

之柰何范蠡對曰君王其忘之乎持盈者與天定傾

者與人節事者與地王曰與人柰何已在傾危故先問與人范

蠡對曰卑辭尊禮言當卑約其辭尊重其禮以求平也○重直隴切下同玩好

女樂

玩好珍寶也女樂謂士女於士大夫女如於大夫

尊之以名

謂之天如

此不已

不已謂吳不釋也

又身與之市

市利也謂委管籥屬國家以身隨之

音藥

王曰諾乃令大夫種行成於吳曰請士女於士

大夫女於大夫隨之以國家之重器

重器寶器也

吳人

不許大夫種來而復往曰請委管籥屬國家以身隨

之君王制之

委歸也屬付也管籥取鍵器也月令曰脩鍵閉慎管籥

吳人

許諾王曰蠡為我守於國范蠡對曰四封之內百姓

之事蠡不如種也四封之外敵國之制立斷之事種

亦不如蠡也王曰諾令大夫種守於國與范蠡入宦

於吳

斷丁亂切也宦為臣隸也

三年而吳人遣之

句踐以魯哀元年棲會稽吳與

之平而去之句踐改脩國政然後卑事夫差在吳三年而吳人遣之此則魯哀五年也

歸反至

於國王問於范蠡曰節事柰何

欲更脩政故問節事

范蠡對曰

節事者與地唯地能包萬物以為一其事不失

為一不偏

也不失不失時也

生萬物容畜禽獸然後受其名而兼其利

受其名受其功名也利謂萬物終歸於地也

美惡皆成以養生

物之美惡各有所宜

皆成之以養人也

時不至不可彊生

物生各

事不究不可彊

成

究窮也窮則變生可因而成也

自若以處

處敵呂切。若如

天下待其來者而正之

不先唱待其來而就正之

因時之所宜而

定之同男女之功也。功農穡絲枲之功。除民之害以避

天殃田野開闢府倉實貨財曰府民衆殷殷盛也無曠

其衆以為亂梯曠空也梯階也無令空日廢業使之困乏以生怨亂為禍階也。

切令力呈切下同時將有反事將有閒閒居諫切下同。時也閒隙也時還則昨在越而

必有以知天地之恒制也閒隙也時還則昨在越而

乃可以有天下之成利恒常也事無閒時無反吳事

隙天時未則撫民保教以湏之保守王曰不穀之國家

蠡之國家也蠡其圖之范蠡對曰四封之內百姓之

事時節三樂樂盧各切。三樂三時之務使之勸事樂業也不亂民功不逆

天時從事有業故功不亂五穀稔孰民乃蕃滋陸音

也陸和也蕃息也滋益也君臣上下交得其志蠡不如種也交俱

四封之外敵國之制立斷之事因陰陽之恒順天地

之常陰陽謂剛柔晦明三光贏縮用柔而不屈外雖

內不彊而不剛內雖彊盛德虐之行因以為常唐尚

言無德行虐習以為常昭謂德有所懷柔及爵賞也虐謂有所斬伐及黜奪也以為常以為常法也

生因天地之刑死殺也刑法也殺生必因天地天因

人因人善惡聖人因天天垂象聖人自生之天地形

之形見也見其吉凶聖人因而成之因吉凶是故戰

之象也見賢徧切

勝而不報敵家不取地而不反不復反兵勝於外福

生於內用力甚少而名聲章明種亦不如蠡也王曰

諾令大夫種為之為治國也

四年王召范蠡而問焉說云魯哀三年昭謂四年反國四年魯哀九年曰先

人就世不穀即位先人允常就世終世也吾年既少未有恒常

出則禽荒入則酒荒吾百姓之不圖唯舟與車好游田故

唯舟與車。好呼報切。上天降禍於越委制於吳委歸也吳人之

那不穀亦又甚焉那於也甚焉言見困苦也吾欲與子謀之其可

乎范蠡對曰未可也蠡聞之上帝不考時反是守考成

也言天未成越當守天時天時沒乃可以動也彊索者不祥彊其兩切索所

得時不成反受其殃言得天時而人弗能成則反受其殃夫差克越可取而不取後

反見滅是也失德滅名汙走死亡有奪有予有不汙古流字予

予音與。有奪予而復奪也。有予天所授也不予天所去也。王無蚤圖夫吳君王

之吳也王若蚤圖之其事又將未可知也未可知或時不得也

王曰諾

又一年反國五年魯哀十年王召范蠡而問曰吾與子謀吳子

曰未可也今吳王淫於樂而忘其百姓樂廬各切。樂聲色也。

亂民功逆天時信讒喜優優謂俳優也。俳音排。憎輔遠弼遠于

願切。相道為。聖人不出。聖通也。通知之。忠臣解骨。

輔矯過為弼。解佳賣切。賈唐二君云解骨子胥伏屬鏹也。昭謂是時子胥未死解骨謂忠良之臣見其如此皆骨體

解倦不復念忠也。屬音燭。鏹力于切。復扶又切。下同。皆曲相御莫適相非上

下相偷其可乎。適丁歷切。御猶將也。言皆曲意取容轉相將望無復相非以不忠正者

也偷苟且也。范蠡對曰人事至矣天應未也王姑待之王

曰諾。

又一年。反國六年魯哀十一年。王召范蠡而問焉曰吾與子謀

吳子曰未可也今申胥驟諫其王王怒而殺之其可

乎。子胥數諫王不聽知吳必亡使於齊屬其子於鮑氏王聞之賜之屬鏹以死在魯哀十一年。數所

角切使所史切。范蠡對曰逆節萌生。害殺忠正故為天地未

形而先為之征。形見也天地之占未見其事是以不

成雜受其刑。雜猶俱也。王姑待之王曰諾

又一年。反國七年魯哀十二年。王召范蠡而問焉曰吾與子謀

吳子曰未可也今其稻蟹不遺種其可乎。種章勇切。稻蟹食

也。范蠡對曰天應至矣人事未盡也。謂飢困愁怨之事未盡極也。

王姑待之王怒曰道固然乎。固故也。妄其欺不殺耶吾

與子言人事子應我以天時今天應至矣子應我以

人事何也范蠡對曰王姑勿怪夫人事必將與天地

相參然後乃可以成功參三也天地入事三合乃可以成大功今其禍

新民恐稻蟹新也其君臣上下皆知其資財之不足以支

長久也支猶堪也彼將同其力致其死猶尚殆殆危也言伐吳於事

尚危也王其且馳騁弋獵無至禽荒使越王為此者示不以吳為念也

宮中之樂無至酒荒肆與大夫觴飲無忘國常樂盧各切

飲于鳩切。肆放也常舊法也。彼其上將薄其德民將盡其力言吳

越馳騁射獵不以為意必不脩德而又使之望而不

得食怨望於上而天乃可以致天地之殛殛紀力切

王姑待之且待時也自此後四年乃遂伐吳

至於玄月爾雅曰九月為玄謂魯哀十六年九月至十七年三月越伐吳也王召范

蠡而問焉曰諺有之諺俗之善語也曰觥飯不及壺殮觥古

○觥大也大飯謂盛饌未具不能以虛待之不及壺殮之救飢疾也言已欲滅吳取快意得之而已不能

待有餘力也今歲晚矣子將奈何范蠡對曰微君王之言

微無也臣固將謁之謁請也請伐吳也臣聞從時者猶救火追

亡人也蹶而趨之唯恐弗及蹶走也王曰諾遂興師伐

吳至於五湖吳人聞之出挑戰一日五反王弗忍欲

許之不忍其忿也范蠡進諫曰謀之廊廟失之中原其可

乎王姑勿許也臣聞之得時無忌時不再來天子不

取反為之灾羸縮轉化後將悔之子音與。羸縮進退也轉化變易也

天節固然固然有轉化也唯謀不遷謀必素定不可遷易也王曰諾弗

許范蠡曰臣聞古之善用兵者謂若黃帝湯武也羸縮以為

常四時以為紀以為常隨其羸縮紀猶法也四時有轉運用兵有利鈍也周語曰王欲合

是五位三所無過天極究數而止過古禾切。極至而用之是也

天道皇皇日月以為常皇皇著明也常象也明者

以為法微者則是行明謂日月盛滿時也微謂虧損薄食也法其明者以進取行其

微時以陽至而陰陰至而陽至極也日困而還月盈而

臣困窮也古之善用兵者因天地之常與之俱行隨其

運轉虧盈晦明之常也後則用陰先則用陽後後動先先動也

用陽謂輕疾猛厲用陰謂沈重固密。重直隴切下同近則用柔遠則用剛敵近則用柔

遠則抗威厲辭以亢禦後無陰蔽先無陽察後動者泰舒靜為陰蔽也先動者泰

顯露為陽察也用人無執往從其所執射的也無執無常所

為制不豫設也剛彊以禦陽節不盡不死其野言敵

故曰往從其所疆來禦已其陽節未盡尚彼來從我固守勿與勿與

也未可克故曰不死其野若將與之必因天地之灾彼有灾變則可又觀其民之飢

飽勞逸以參之言雖有灾民尚盡其陽節盈吾陰節

而奪之彼陽勢已盡而吾陰節盛滿則能奪之也宜為人客剛彊而力疾

徐廷質

陽節不盡輕而不可取先動為客於時宜為人客剛

猶不可得取也宜為人主安徐而重固陰節不盡柔

而不可迫時宜為主人安徐重固陰凡陳之道設右

以為牝益左以為牡陳直觀切牝頻忍切。陳有牝

蚤晏無失必順天道晏晚周旋無究究窮也無窮

今其來也剛彊而力疾言吳陽勢未王姑待之王曰

諾弗與戰居軍三年吳師自潰魯哀二十一年冬十一月

冬十一月丁卯滅吳吳王帥其賢良與其重祿以上姑蘇師所

姑蘇宮之臺也在吳昌門外近湖或云賢賢妃良

言君子齊言士也吳語曰越王以其私卒君使王孫

雄行成於越雄吳大夫曰昔者上天降禍於吳得罪

於會稽使越棲於今君王其圖不穀不穀請復會稽

之和王弗忍欲許之范蠡進諫曰臣聞之聖人之功

時為之庸庸用也因天得時弗成天有還形還音旋

還反也天節不遠五年復反復扶又切下同。節

形體也小凶則近大凶則遠小凶謂危敗大凶謂死

也先人有言曰伐柯者其則不遠先人詩人也執

不遠以言吳昔不滅越故今君王不斷其忘會稽之

事乎王曰諾不許使者往而復來辭俞卑禮俞尊或俞

作愈。俞益也。王又欲許之范蠡諫曰孰使我蚤朝而晏罷

者非吳乎與我爭三江五湖之利者非吳邪夫十年

謀之一朝而棄之其可乎朝上馳遙切。十年不收於國勤身以謀吳也。王

姑勿許其事將易冀已易以鼓切下同。冀望也。王曰

吾欲勿許而難對其使者子其對之范蠡乃左提鼓

右援枹以應使者枹音孚或音浮使所吏切下使者同。提挈也。曰昔者上

天降禍於越委制於吳而吳不受今將反此義以報

此禍吾王敢無聽天之命而聽君王之命乎王孫雄

曰子范子先人有言曰無助天為虐助天為虐者不

祥今吾稻蟹不遺種子將助天為虐不忌其不祥乎

忌惡也。惡烏路切。范蠡曰王孫子昔吾先君固周室之不成

子也子爵也言越本蠻夷小國於周室爵列不能成子周禮諸子之國封疆方二百里。故濱

於東海之陂濱近也。陂崖也。鼃鼃魚鼃之與處而鼃鼃之與

同嗜處敬呂切。鼃音蛙。鼃眉耿切。嗜之與切。鼃鼃蝦蟆也。水邊亦曰嗜。余雖覩然而

人面哉吾猶禽獸也又安知是譏諛者乎覩彌典切。譏以淺切。

又子淺切。覩面日之貌也。譏諛巧辨之言也。方欲拒吳之請故自卑薄以不知禮義也。王孫雄

曰子范子將助天為虐助天為虐不祥雄請反辭於

王謂以辭范蠡曰君王已委制於執事之人矣執事

謂也子往矣無使執事之人得罪於子無使我為子得罪也使者

辭反反報吳也范蠡不報於王擊鼓興師以隨使者至於

姑蘇之宮不傷越民遂滅吳事將易冀是也反至五湖范蠡

辭於王曰君王勉之臣不復入於越國矣勉王以德欲隱遁也

王曰不穀疑子之所謂者何也范蠡對曰臣聞之為

人臣者君憂臣勞君辱臣死昔者君王辱於會稽臣

所以不死者為此事也人事已濟矣蠡請從會稽之

罰王曰所不掩子之惡揚子之美者使其身無終沒

於越國子聽吾言與子分國不聽吾言身死妻子為

戮范蠡對曰臣聞命矣君行制臣行意制法也意志也遂乘

輕舟以浮於五湖莫知其所終極王命工以良金寫

范蠡之狀而朝禮之朝馳遙切下同以善金鑄其形狀而自朝禮之浹日

而令大夫朝之從甲至甲為浹浹匝也環會稽三百里者以為

范蠡地環周也曰後世子孫有敢侵蠡之地者使無終

沒於越國誓告也皇天后土四鄉地主正之鄉許亮切鄉方也

天神地祇四方神主當征討之正其封疆也

國語第二十一

終



